



# **TATA IBADAH MINGGU**

## **PESTA SEKSI BAPA GKPS**

Minggu XXI Dob Trinitatis, 09 November 2025  
(Manramotkon Diri Ibagas Holongni Naibata)



### **Tema:**

“Hasadaon Pakon Pangidangion Na Marbuah”  
(Kolosse 1:10)

### **Subtema:**

“Lambin Surung Ma Ibagas Horja Ni Tuhan Halani Domma Ipilih Janah  
Itotapkon Hita Laho Marbuah”  
(Johannes 15:16; 1 Korint 15:58)

## PRAELIDIUM

### \* Saat Teduh Pribadi

Salam Pamungkah

**Siboan Doding**

Ipestahon hita do sadarion Minggu Pesta Seksi Bapa GKPS pa-30 taunkon. Panorang on, iparatah do use hubanta sonaha hajongjongan pakon peranan ni bapa ikeluarga, kuria sonai age masyarakat. Goranni mingguta sadarion XXI Dob Trinitatis. Topikni mingguta aima manramotkon diri ibagas holongni Naibata. Siratah na gabe warna liturgi aima na paingatkon hu banta hagoluhan pakon marbanggal ibagas Kristus, simbol ni goluh halak Kristen ibagas kuasa panobusion pakon haluahon na humbani Naibata. Sai ipargogohi Tuhan Jesus Kristus ma hita bapa. Naibata do na mandilo janah na manotapkon bapa gabe parugas Bani. Ia do homa na mambohali janah mampargogohi haganup Bapa GKPS ase marbanggal ibagas haporsayaon, marpangarapan ampa marholong. Sai ipargogohi Tonduy Napansing ma hita haganup bapa.

### \* Barisan Prosesi

**Singer mandodingkon Haleluya No. 471:1-3**

*(jongjong kuria)*

*Na Pansing, Na Pansing, do Ham Naibatanami  
Sigomgom haganup tanoh on, Na Pansing do Ham*

*Na Pansing, Na Pansing, do Ham Naibatanami  
Ai domma roh hanami Bamu, jalo Ham ganup*

*Na Pansing, Na Pansing, do Ham Naibatanami  
Sai sasap dousanami ganup, 'se talup Bamu.*

# IBADAH

## 1. VOTUM-INTROITUS-TONGGO

**P** Riap ma hita jongjong!

Ibagas goranni Naibata Bapa, pakon Tuhan Yesus Kristus ampa Tonduy Napansing, sitompa langit pakon tanoh on. Amen.

Sangghah dilo-dilo ahu, ibalosi Ham do ahu, itambahi Ham do gogoh bani tonduyhu.

**K** *Mandodingkon:*

4/4													
0	1	2		3	.	2	4	.	3		2	1	.
Ho-long-Mu na hu a - jam hon													
0	1	2		3	.	2	4	.	2		3	.	.
Hu pu - ji Ham Tu - han													

**P** Jahowa do hagogohonku, anjaha ia do hatuahon bangku, Ia do Naibatanku, pasangaponku ma Ia, patimbulonku ma Ia.

**K** *(Mandodingkon) "Holong-Mu na huajamhon"*

**P** Marhitei hatimbulonni hasangapon-Mu iraseihon Ham do na manlawan Ham, ipadalan Ham do ringis-Mu mamboiskon sidea songon anggala

**K** *(Mandodingkon) "Holong-Mu na huajamhon"*

**P** Jahowa do na pasaloasihon bangku. Ham Jahowa, ronsi sadokah ni dokahni do idop ni uhur-Mu. Ulang ma tadingkon Ham jadi-jadian ni tangan-Mu.

**K** *(Mandodingkon) "Holong-Mu na huajamhon"*

**P** Mangkatahon tarima kasih ma nasiam bani Naibata na i surga, tongon ronsi sadokah ni dokahni do idop ni uhur-Ni. Haleluya, haleluya, haleluya.

**K** *(Mandodingkon) Haleluya, haleluya, haleluya.*

**P** Martonggo ma hita

Ham Tuhan Naibata, paridop ni uhur na tarsulur. Tarima kasih ma sombah nami hu Bamu halani ipatalup Ham do hanami roh nuan on marsombah hu lobei-Mu. Ajari Ham ma hanami ase tongtong marondos ampa manramotkon dirinami ibagas gogoh-Mu. Tonduy-Mu Napansing in ma mampargogohi hanami laho mamuji janah pasangapkon goran-Mu, anjaha sai pargogohi Ham ma hanami laho mandalankon harosuh ni uhur-Mu sadokah goluhnami. Martarima kasih do homa hanami bani

Minggu Pesta Seksi Bapa sa-GKPS na pa-30 taunkon sadarion. Lambin taridah ma buah na dear anjaha ramos bani haganupan goluhni bapa. Ipadas hanami tonggo on marhitei Jesus Kristus Sipaluah hanami. Amen.

## **2. DODING HALELUYA NO 303:1-3**

1. Napansing, napansing Tuhan parkuasa  
Ari on hanami mamuji Naibata  
Napansing, napansing janah marjumbalang  
Sitolu sada na sangap tumang
2. Napansing, napansing hotak-Mu i surga  
Halak na mapansing manrogop hu Bamu  
Haganup malekat sai mamuji Tuhan  
Raja na sangap sadokah ni in
3. Napansing, napansing na seng boi tandaon  
Ni ganup pardousa na butak na golap  
Gok hapansingon-Mu, Ham do parkuasa  
Gok haholongan, Ham o Naibata.

## **3. HASASAPAN NI DOUSA**

**P** Riap ma hita jongjong!  
Martonggo ma hita mansopotkon dousanta hu bani Tuhan Naibata. Ham Tuhan Naibata Bapanami, maidop ma uhur-Mu bennami, romban hu bani dear ni layak-Mu, sasap Ham ma panlanggaronnam i romban hu bani bueini idop ni uhur-Mu. Mangahap do hanami bani panlanggaronnam i anjaha tongtong do sonson i lobeinami dousanami. Ipabangkit Ham do hanami laho manaksihon Ham bani goluhnam i marhitei hajongjongan nam i tengah-tongahni keluarga, kuria sonai age bai masyarakat laho mangkobashon horja na madear. Tapi hurang ope iramotkonnam i in bani tugas pakon tanggungjawabnam i domu hubani hajongjongannam i bei. Ham, Tuhan idop ma uhur-Mu bannami.

**K** *(Mandodingkon Haleluya No. 356:1)*

*Hita ganupan pardosa roh ma bai Tuhan ta in.  
Daroh-Ni in do manasap ganupan dousata in.  
Roh ma podas hita ganup, ai bai Tuhanta sirsir do ganup.*

*Sai ipaima do hita, pasonangonni ganup.*

**P** Ibagas Jesus do dapot hita haluahon marhitei daroh-Ni, aima hasasapan ni panlanggaron. Tapi gati do hanami lupa manramotkon ai bani goluhnami, halani gatinan do hanami pabanggalhon dirinami itongah tongahni keluarga, kuria sonai age masyarakat.

**Haganup Bapa**

Gatinan do hanami patugahkon pambahenan, hagogohon sonai ge sinadongannami dompak hasoman marimbang pambahenan-Mu bani goluhnami hansi pe ibotoh hanami bahasa ganup goluhnami na hum Bamu do in. Ham, Tuhan idop ma uhur-Mu bannami.

**K** *(Mandodingkon Halleluya No. 353:4)*

*Tarsor ho mardousa ibaen uhurmin,  
sai ulang nunuti, tundalhon ma in.*

*Dompakhon Tuhanmu, margogoh do in,  
manasap dousamu, pamalumhon in*

**Haganup Bapa**

Iauhon hanami do bahasa na pinilih-Mu do hanami on laho mangirikkon Ham. Sai urupi Ham ma hanami ale Tuhan age hurang ope pambahenan nami, ase goluh i rumah tangga, kuria sonai age masyarakat boi lambin atur, banjei janah marbanggal ibagas haporsayaon, pangarapan ampa holong na humbani Anak-Mu, Jesus Kristus Raja ni Gareja in. Ham, Tuhan idop ma uhur-Mu bannami.

**K** *(Mandodingkon Halleluya No. 238:6)*

*Mangirikkon Ham, Tuhanku sai,  
malas do uhurhin; sai totap ma in padanku!  
Amen, saud ma hata in!*

**P** Tangar anjaha haporsayai hita ma Hata ni Naibata, bagah-bagah pasal hasasapan ni dousa. ***“Ibagas Ia do dapot hita haluahon marhitei daroh-Ni, aima hasasapan ni panlanggaran, domu hubani habayakon ni idop ni uhur-Ni, na unjah bereon-Ni banta ibagas hapentaran ampa hauhuron. (Efesus 1:7-8)*** Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda

ni pargoluhon na bayu. Hasangapon ma bani Naibata i babou.

**P+K** Amen.

#### **4. DODING HALELUYA NO. 149:1+2**

1. Ham sipagoluh au, parayak Ham au on  
Sai ulang Ham mandaoh, humbagas uhurhon  
*Roh Sipagoluh roh tongon, baen Ham au anak-Mu tongon*  
*Bani daroh-Mu usah au, putih songon bunga ma au*  
*Putih tongon, putih tongon, bani daroh-Mu usah au,*  
*Putih songon bunga ma au.*
3. Gogoh ni daroh in, patorang bangku on  
Tonduy pargoluh in, manogu au tongtong  
*Roh Sipagoluh roh tongon, baen Ham au anak-Mu tongon*  
*Bani daroh-Mu usah au, putih songon bunga ma au*  
*Putih tongon, putih tongon, bani daroh-Mu usah au,*  
*Putih songon bunga ma au.*

#### **5. HATA HAPORSAYAON**

**P** Riap ma hita jongjong!  
Saksihon hita ma haporsayaonta in, songon na sinaksihhon ni  
haganup halak na porsaya bani sab dunia on.

**P+K** Ahu porsaya... pst

#### **6. DODING HALELUYA NO. 453:1+3**

Pitah Ham Tuhan, hatundalan na toguh.  
Humbai ganup paruntolon na itanoh on.  
Bani haganup pardalanan, pitah Ham panjaga na gogoh.  
Ondos ma Tuhan, hanai on nuan, ‘se torsa sadokah goluh on.

Bohi pe minar, megah tong halani Ham.  
‘Ge gilumbang roh mandorap goluhnami in.  
Bani haganup parsahitan, hata-Mu do tambar na gogoh.  
Ondos ma Tuhan, hanai on nuan, ‘se torsa sadokah goluh on.

#### **7. TINGTING KURIA**

## 8. DODING HALELUYA NO. 472:2

Sai ajarhon Ham, dalan-Mu bangku on,  
ase mardalan au bai hasintongan-Mu.  
Sai baluti Ham, uhurhon sai tongtong,  
ase marhabiaran bani goran-Mu.  
Ai pitah Ham Tuhan, na boi haposankin,  
bai goluh sidalanankin.  
Bokas-Mu nuan, siirikononkin,  
na gabe suluh bani pardalanankin.

## 9. ACARA KHUSUS:

- 1) Mambasa/Manaksihon Video: Tonah Pimpinan Sinode GKPS
- 2) Persembahan Pujian Bapa Sektor 1
- 3) Persembahan Pujian Bapa Sektor 2
- 4) Puisi
- 5) Tonggo Pangapition

## 9. DODING HALELUYA NO. 115:1-7

**Haganup** Sadokah ho i tanoh on papintor uhurmin  
Padingat-dingat ma tongtong nidok ni Tuhanmin

**Bapa** Sai songon hayu dear ho ramos parbuahniin  
Bulung ni pe tabun homa usihi ma sonin

**Inang** Buei do hadearon ni bah tubuh in tongtong  
Pausih dirimin hujin baen uhurmin sintong

-----musik-----

**Haganup** Ambungkon humbai uhurmin na so margagan in  
Ganup na humbai Tuhan in ramot ma jaga in

**Bapa** Sai tiru Tuhan Jesus in na roh mangkompok ho  
Pambaen-Ni ge hata-Ni in hagoluhanmu do

**Inang** Ai Ia do padomu ho hu bani Naibata  
Daroh-Ni iduruskon do i dolog Golgata

-----musik-----

**Haganup** Harga do hita haganup itobus Jesus in  
'Se sonang hita haganup i lobei-lobei-Nin

## 10. AMBILAN: JUDAS 1:17-23

## 11. MANGGALANG

Parambilan     Paima iondoshon hita galanganta, tangar hita ma lobei  
hata ni Naibata na gabe onjolan banta laho manggalang,  
aima na tarsurat bani: ***Psalmen 50:23 “Galangkon ma  
banggal ni uhur bani Naibata, anjaha galari ma  
bagah-bagahmu bani Sitimbulan in.”*** Sonari ondoshon  
hita ma galanganta.

(Kuria mandodingkon ***“Diatei Tupa Ma”***)

Diatei tupa ma, sombahku hu Bamu Jesus

Halani holong-Mu, Ham parsimada au

Huboban hu Bamu, daging pa tonduyhon

Na gabe galangan parsombahon Bamu

Lang dong tarbahen au, na patut hu Bamu

Ai pitah on Tuhan, na targalangkon au

Hu pindo hu Bamu, sai holong atei-Mu

Sai jalo Ham Tuhan, galanganku on

Sai pakei Ham ma au, gabe parugasmu

Sadokah goluhkon.

## 12. Tonggo Galangan – Tonggo Panutup – Pasu-pasu

Parambilan     Riap ma hita jongjong!

Martonggo ma hita mangondoshon galanganta hu  
bani Tuhan Naibata. Ham Tuhan Naibata simada  
ganup na tinompa, tarima kasih ma Bamu halani totap  
ope iramotkon Ham pargoluhannami. Roh do  
nuan hanami hu lobei-Mu mambobankon dirinami  
marhitei galangan tanda malas ni ni uhurnami. Jalo  
Ham ma galangannami on baen haporluan ni  
horja pangidangion i kuria-Mu. Paahapkon Ham ma  
tongtong bannami banggalni panobusion-  
Mu marhitei silang na gabe galangan sibanggalan  
baen tobusnami. Ajari Ham ma hanami ase sirsir  
hanami mambae goluhnami gabe saksi Bamu janah  
siboan barita haluahon in. Ibagas goran ni Tuhan  
Jesus Kristus ipadas hanami tonggonami. Amen.



- Kuria *(Mandodingkon) “Haleluya No. 281:5”*  
*Bamu o Tuhan, manombah au on*  
*Bamu ganupan na dong bangku on*  
*Seng bulih be sirang na rapat Bamu*  
*Martuah sai sonang, na roh hu Bamu.*
- Parambilan Ham Tuhan Naibata, bere Ham ma bannami uhur na bayu laho mangidangi Ham. Pakei Ham ma hanami laho padaskon holong hu bani hasomannami jolma. Tandani na marsanina hanami ibagas Ham. Ase marhitei hanami lambin talar hamuliaon-Mu i tanoh on.
- Bapa Hanami bapa ma gabe saksi, marhitei parsahap ampa pambahenannami laho pataridahkon hinajenges ni hasadaon, parsauran pakon hasomannami jolma.
- Parambilan Ham Bapa nami na i Nagori Atas. Sai napapansing ma goran-Mu! Sai roh ma harajaon-Mu. Sai saud ma harosuhni uhur-Mu i nagori tengah on songon na i Nagori Atas. Bere Ham ma bannami sadarion hagoluhan ari-ari. Sasap Ham ma dousanami songon panasapnami bani dousa ni hasoman na mardousa dompak hanami. Ulang hanami bobai Ham hu parlajouan. Paluah Ham ma hanami humbani pangagou!
- Kuria *(mandodingkon) Ai Ham do simada harajaon, pakon hagogohon ampa hasangapon sadokah ni dokahni. Amen.*
- Parambilan Misir ma nasiam, baritahon janah saksihon nasiam ma Ambilan Na Madear in ija pe nasiam marianan.  
**Jalo ham/hita ma pasu-pasu humbani Tuhan Naibata**  
 Ipasu-pasu anjaha iparorot Tuhan Naibata ma ham/hita  
 Isondangkon Tuhan Naibata ma bohi-Ni hu bamu/hu banta  
 Janah maidop ma uhur-Ni mangidah ham/hita  
 Idompakkon Tuhan Naibata ma bohi-Ni hu bamu/hu banta  
 Janah ipasorap ma damei-Ni bani tonduymu/tonduyta bei.  
 Amen.
- Kuria *(mandodingkon) Amen, Amen, Amen.*

## **POSTLUDIUM**

(Doding Haleluya No 409)

Naibata mangkasomani ham, ronsi boi hita pajumpah  
Kristus ma mambere tuah, Naibata mangkasomani ham  
Sai horas ma ham, sai horas, ronsi na pajumpah sai horas  
Sai horas ma ham, sai horas, Naibata mangkasomani ham

### **"Ayah, Bapakku Nabujur Pemimpin Pertamaku"**

(Cipt. Pdt. Mannes Purba)

#### ***Dibacakan Anak Sekolah Minggu***

Ayah, bapakku nabujur.....  
Di setiap langkahku yang pertama,  
Ada tanganmu yang tak pernah ragu.  
Bukan hanya menuntunku berjalan,  
Tapi mengajarku arah...., nilai...., dan tujuan....

Ayah....bapakku nabujur, ....  
Engkau tak hanya berkata-kata ....  
Tapi hidup dalam teladan nyata.....  
Saat aku jatuh...., engkau tak mengangkat,  
Tapi menguatkan agar aku bangkit.  
Kupikir itu kejam....  
Tapi dibaliknya itu engkau sedang mengajarku agar mandiri

Kau yang mengajarkan bahwa pemimpin bukan soal kuasa,  
Tapi soal melayani dengan hati yang tulus dan terbuka.  
Bahwa integritas lebih penting dari suara keras,  
Dan karakter dibangun, bukan diwariskan secara bebas.

Bapakku nabujur...  
Engkau bukan hanya darahku... dan margaku...,  
Tapi dasar dari setiap impian yang kupunya.

Di balik senyapmu....., kutemukan hikmah.....,  
Dalam kerasmu....., kutemukan kasih yang megah....

Kini saat aku berdiri memimpin jalanku,  
Aku sadar: engkaulah pemimpin pertamaku,.....  
Bukan di atas panggung, bukan dalam sorak,  
Tapi dalam diam...., dalam doa...., dalam langkah bijak.....

Terima kasih, bapakku nabujur....., atas warisan yang tak kasat mata  
Sebuah hidup yang membimbing...., bukan memerintah semata.  
Engkau yang berkata padaku : “Pemimpin adalah pengaruh...”  
Dan pengaruhmu, ayah..., kuhidup dalam setiap langkahku yang lurus dan  
daya juang.

Sekali lagi ayah, bapakku nabujur...  
Terimakasih yang tulus kami ucapkan padamu  
Tuhan memberkatimu.